

Dan Tujuannya Di Dalam Islam

Menuju persatuan dan persaudaraan umat sedunia

Dari 8 hingga 13 hari bulan Zulhijah, pada tiap-tiap tahun, terjadilah peristiwa besar di dunia, peristiwa berhimpunnya umat Islam dari segenap penjuru dunia di Tanah Suci bagi menunaikan ibadat haji.

Sungguh besar erti peristiwa haji ini kepada umat Islam. Pada musim akan berkumpullah beratus-ratus ribu umat Islam di Tanah Suci, yang berlainan bangsa, bahasa dan negeri, berlainan pula adat istiadat dan kebudayaan, bahkan berlainan pangkat dan kedudukan dalam masyarakat. Semuanya diikat oleh tujuan yang satu, iaitu berbakti kepada Allah ‘Azza Wa Jalla.

Hikmat haji yang telah mengikat umat yang berbagai corak dan ragamnya itu kepada satu tujuan itu dengan sendirinya telah menimbulkan persatuan yang kukuh dan rasa persaudaraan yang sejati.

Alangkah besarnya peluang untuk umat Islam yang berhimpun pada musim haji di Tanah Suci, bukan sahaja dapat berkenalan dan bertukar-tukar fikiran tetapi juga meninjau akan penyakit-penyakit masyarakat Islam yang sedang dihadapi oleh masing-masingnya dan merundingkan cara mengatasinya dan membasminya, sehingga umat Islam dapat berdiri sejajar dengan bangsa-bangsa lain yang maju dapat menangkis segala ancaman dari pihak mana sahaja datangnya.

Hakikat Takbir

Pada Hari Raya Aidil Adha - sebagaimana juga Aidil Fitri - umat Islam diperintahkan menggemarkan suara takbir, baik dengan seorang diri atau beramai-ramai. Makna kalimah takbir ialah mengakui akan kebesaran Allah. Kalimah-kalimah takbir itu pula diiringi dengan kalimah *Lā Ilāha Illā Allāh*, yang mengakui ketuhanan Allah yang Maha Mulia. “Kalimah-kalimah yang mulia ini, jika diucapkan oleh lidah kerana dorongan jiwa yang suci, bukan hanya menurut adat yang telah dibiasakan, dapatlah difahamkan falsafahnya dan dapat diselami lubuk hatinya yang dalam dan dirasai kelazatannya” Apabila jiwa mengakui dengan sebenar-benarnya akan kebesaran Allah, terdidiklah jiwanya berbudi baik, berakhhlak tinggi. Dengan menyatakan kebesaran Allah, terasalah jiwa bahawa ia dijadikan Allah hanya untuk mengabdi kepada Allah yang menjadi makbulnya.

Kalimah “*Lā Ilāha illā Allāh*” pula sangat besar rahsianya. Apabila kita mengetahui akan falsafah kalimah tauhid yang juga terus menerus kita ucapkan sesudah mengakui kebesaran Allah ‘Azza Wa Jalla dalam kalimah takbir - *Allāhu Akbar*, nescaya akan berhasillah daripadanya kehendak yang kuat untuk bersatu padu, zahir batin. Pengakuan kita akan keesaan Allah memberikan pengertian bahawa semua kita ini ialah makhluknya, hambanya, yang tertuntut beriman,

beramal soleh dan hidup tenang tenteram dan aman
damai dalam dunia ini.

Hakikat Korban

Aidil Adha, sebagaimana yang diketahui, maknanya ialah Hari Raya Korban. Tetapi apa dia korban itu? Apa hakikatnya dan apa tujuannya?

Erti korban ialah mendampingkan diri kepada Allāh Ta‘ālā dengan menyembelih binatang ternak (kambing, lembu dan lain-lainnya) pada hari raya yang mulia itu sesudah mengerjakan sembahyang, dan dagingnya disedekahkan kepada fakir miskin.

Sejarah korban ini sebenarnya sangat tua, semenjak

meninggikan kedaulatan umat Islam sendiri di tanah air anak Nabi Allah Adam - Qabil dan Habil - sebagaimana yang tersebut kisahnya di dalam Quran, membawa kepada riwayat Nabi Allah Ibrahim diperintahkan oleh Allāh ‘Azza Wa Jalla supaya menyembelih anakandanya Nabi Allah Ismail sebagai korban. Dan akhirnya riwayat junjungan kita Muhammad (S) yang telah menyembelih korban untuk diri baginda dan juga untuk umatnya yang tidak mampu.

Apa yang telah dicontohkan oleh nabi-nabi yang mulia itu adalah mendidik umat Islam kepada suka berkorban dengan harta benda, tenaga, fikiran dan jiwa - jika perlu - untuk menegakkan Islam dan ajarannya serta kita yang dikasihi ini.

* * *

Masjid - simbol

**perpaduan kaum Muslimin. Syiar
kemegahan dan kebanggaan agama Islam
di pelusuk negeri.**

**Masjid - tempat Muslimin
dari segala peringkat dan darat
menunaikan bakti kepada Allah.**

**Tiada perbezaan di dalamnya -
siapa yang dahulu di barisan
depanlah ia, dan di barisan belakanglah
ia kalau ia datang kemudian.**

**Di dalamnya juga tempat Muslimin
bermusyawarah untuk membincangkan
segala kerumitan dan rancangannya,
kerana demokrasi di dalam Islam
ialah musyawarah:**

*Washāwarhum fī al-amr fa īdhā
azimtu fa tawakkal 'alā Allāh.*

* * *

